

A. N. C.  
P. RENNE  
850  
29



850 29  
DE . VITA  
DIVI . PETRI  
APOSTOLI

A M. Antonio Georgio Bononienſi, Archipreſbytero  
S. Mariæ Rotundæ, S. D. N. Gregorij XIII.  
Capellano congeſta,

BEATIſſ. SEMPER VIRGINI MATRI DEI  
MARIAE DICATA

ET GREGORIO XIII. PONTIFICI SANCTISS.<sup>mo</sup>  
COMMENDATA.



R O M Æ;  
Apud Hæredes Antonij Bladij Impreſſores Camerales

DE VITA  
DIVI PETRI  
APOSTOLI

Ad Romanos in exilium  
et in Carcerem  
scripta

STATVS REIPUBLICAE  
ROMANAE

DE ROMANO  
IMPERIO



ROMA  
MDCCLXXII

11

DE VITA  
DIVI PETRI APOSTOLI

A. M. Antonio Georgio Archipresbytero  
S. Mariæ Rotundæ congesta.

**P**ETRVS, cui nomen antea Simon Bariona, filius scilicet Ionę (Bar enim Hebraice filium significat) non illius Ionæ qui de ventre ceti et mare fuit ad terrendum missus, et prædicandum Niniuitis; sed alterius de oppido et uico regionis Palestinæ Bethsaida, iuxta mare, idest prope lacum, qui ob ingentem aquarum concursum, et magnitudinem mare dicitur provincię Galileæ; Petrus, inquam frater Andreæ, minor natu, ualidior tamen, et ut animi fortitudine uniuersos antecederet, et religione esset et pietate nemini secundus, ita et se, et parentes, et familiam, et pauperes continuatis iustissimę piscationis laboribus, et arte sustentabat, laboribus, inquam, et arte usq; adeo plenissima pietatis et iustitię, ut post etiam uocationem et apostolum ad eam redire, et eo præsentem qui uocauerat, et imperante exercere liceret. Andreas uero natu (ut diximus) maior, licet et ipse cum fratre, eandem exerceret artem, et rei operam daret; Ioannis tamen Baptistæ discipulus, eundem etiam summa religione, et pietate sequebatur. A quo de Mefsia et Redemptore Iesu

A 2 cum

quior Hebræum primū populum illum, cuius typus et similitudo erat Andreas, docuit semper et instituit, et domini præcepta, et uia, et leges indicauit, et uenturum de cœlis eū qui cœlos aperiret, et degentes in tenebris et umbra mortis illuminaret, et ab inferis educeret, declarare non destitit, et clamans ad Dominum, Mitte quem missurus es, deprecata fuerit semper et orauerit: ita cum eum subito natum, et apparuisse uidit, et suum se, ut semper optauerat, cursum et iter felicissime confecisse cognouit, gaudens et læta nimium, silentium sibi statim cum imponeret et prophetis, ilico muta siluit: et tacens, alterum nouum ei, qui uenerat Messieꝝ populum, sub Simonis iunioris persona ducit, et ostendit, quem ipse regeret, et doceret: et pro legibus pœnæ, et mortis, æternæ gloriæ leges daret et salutis. Sed cum duo pariter sint fratres, cur Simonem tantum aspicit Iesus, et non etiam Andream, quem usque adeo dilexit, ut testetur etiam et doceat Ecclesia, quod dilexit eum in odorem suauitatis? Non innuit aliud hoc quidem, nisi quod Hebræum primum illum ipsum populum, cuius typus, et similitudo erat senior, ut diximus, Andreas, amauit uehementer quidē semper Iesus, et docuit, et instituit, nec ulla in re unquā ei defuit, et omnia pro eis omnibus operari et facere nunquam destitit. Sed cum ob tam ingrati ipsius animi, et perfidiæ tantæ crimen, et delictum esset eum relicturus, non illum amplius sub Andreæ senioris, sed alium sub Simonis iunioris persona in-

tuetur

tuetur et aspicit: et Cephas uocans gentilem populum in Hebræi populi locum ponit. Cum uehementius igitur idem ipse quo uenerat è sinu patris amor, et pietas usque adeo perurgeret, et impelleret eum sic, ut amplius differre non posset, quin manum apponens ad fortia, perduto mundo succurreret, Simonem iterum, et Andream retia reficientes, ad altiora iam amplectenda conspiceret, Venite post me, inquit, sequimini me, faciam uos fieri piscatores hominum. Nec stans, ne tempus dimitteret, sed alijs, præteriens, quam celerrime discipulis, quos uoluit, comparatis, noluit tamen ut plures essent, quàm acceperit: qui, et si pusillus et exiguus appareret, ut erat, numerus, illius inuicta tamen esset et fortissima uirtus; et tanto inuicta magis, et fortior, quod fortissimus, et inuictissimus esset ille Bariona caput, et princeps inter eos et cum eis: qui ut uno tantum uerbo filium secutus, cuncta poltputas, et animum relinquens habendi, nunquam deseruit, sic totum et patri, uel solus acquirat, et subijciat orbem. Elegit hos ille, qui elegit quos nouit, elegit qui nouit quos uoluit: nec in planum, ut suos Moyfes, ducit, sed supra montem, id est super altissimam, cui nec finis sit nec numerus, sapientiam suam, quæ altissimus erat ille mons: et altissima docet: et Dei ubiq; regnum appropinquasse cum eis annuncians, languores curat, demones expellit, mortuos suscitatur, loca cuncta percurrrens omnia docet, omnia lustrat, omnes illuminat: et si grane cui uel sermo secus ac mūdus cuperet, esse uideret, quod

quod bona doceret, et mala prohiberet, & uitam sequi propterea quidam formidantes, abire retro potius; quam recta facere, mallent, Cum requireret a suis Iesus, uellent ne et ipsi abire cum eis, surgens ante omnes Petrus os, et princeps omnium factus, profitens, et exclamans, Domine ad quem ibimus? inquit. Tu enim uerba habes æternæ uitæ. et iterum, Tu es Christus filius Dei uiui, hoc est, Tu Christe Iesu, qui ex Virginis carne factus es Christus, Dei uiui, et omnipotentis es filius sempiternus; Dei inquam uiui, idest ab æterno in æternum æterni, ad differentiam illorum et dissimilitudinem omnium, qui dii licet dicti, nec ueri sunt tamen nec uiui, nec æterni. O quam mira, quam altissima et quanta tua Petre fides, quam altissimum, Petre, scire tuum. Quis enim in carne Christum natum uidens, humana unquam penetrare potuisset sapiëntia, Dei omnipotentis, et uiui esse filium, nisi propitius omnipotens reuelasset id nobis de cælo per Petrum? Altissima uere tua Petre fides, altissimum scire, altissima cognitio, qui nobis iter, et uiam ad tam necessariæ confessionis ueritatem, et lumen aperuisti. Vnde tantum scire Petre tuum? fides unde tanta, et cognitio? testimonium o quale habes et quantum, unde sit et unde ueniat scire tuum Petre tantum et cognitio? Beatus enim, Dei uiui filius inquit, Simon es Bariona, quia caro et sanguis non reuelauit tibi, sed Pater meus qui in cælis est: et quia tu mihi, quod nemo alius unquam dixit, dixisti; dico ego et tibi o Petre, quod nulli unquam alij dixi,  
(animum



(animum animo, amorem amanti, officium officio comparans, ut præmium in me positum esse pietatis, et amoris, et gratiæ scias) Quia tu es Petrus, et super hanc petram ædificabo ecclesiam meam: et portæ inferi non præualebunt aduersus eam: et tibi dabo clauēs regni cælorum. O quam mira, quam suprema, quam altissima tua Petre fides: qui ut ante discipulos, et omnes primus omnium cognitor esse meruisti diuinitatis, uel coram etiam ipsamet diuinitate professor, et profitens Christum Dei filium esse filium Dei uiui: ita meruisti ex ore altissimi fieri caput, et esse princeps uniuersi orbis terrarum, et ianitor cæli. Et iterum, ut ante alios omnes te totum Christo Deo, et homini accusans, et confitens, Homo peccator sum, professor primus sanctissimę confessionis fueris, te, inquam, accusans, et confitens, et profitens, Homo peccator sum: ita meruisti confessorum esse dominus, et princeps uniuersorum. Tua meruit, Petre, fides, ut non tibi semel tantum Christus, sed bis etiam præciperet, Sequere me: significans, et docens, quod tanquam de manu sua in manum istam tuam adeo fidelem et præstantem tibi ut capiti omnium, et principi seorsum ab alijs omnibus uniuersa committeret, et traderet. Tua meruit Petre fides: ut, cum Sathan insurgeret, ut cribraret uos ut triticum, tibi uni tantum, et non alijs diceret Christus, Oraui pro te Petre: ut alios scilicet tibi commendatos et commissos, tanquam caput, et princeps confirmare, et regere posses. Tua meruit  
Petre

Petre fides, ut non tibi, ut sanctissimo illi Apostolo, contingeret, qui uocatus post alium Iacobum dictus est minor. Tu uocatus post maiorem, non solum non dictus es minor, sed Cēphas, quod est, ut dictū est, caput. Tua meruit, Petre, fides, ut cum inciperet numerare Christus discipulos, non a seniore Andrea, nec ab alijs, sed a te incipiens, eternum tibi primatum, et non alijs attribueret. Tua meruit Petre fides, ut ter a Domino requisitus an se amares, ut ita ter, ut ter negaueras, arde tanto, et incendio profitereris, et confessus sis, quod eum, ut amabas, amares, ut cura totius orbis, et potestas tibi commissa perpetuo sit, et tradita, eo qui traderet, et committeret imperante, Pasce oues meas. Tua meruit Petre fides, ut de statere mirabiliter in ore piscis inueniendo tibi committens imperaret Christus, Vade sume, et da eis pro me, et te. Quibus uerbis testatus est Iesus, et testatum æterne reliquit, quod post se, te relinqueret uelut alterum se, in quem mysteriorum, et ministeriorum omnium potestatem, et curam transferret: et totam, ut inquit etiam Augustinus, perpetuo transmitteret. Quo mysterio uniuersi, quibus etiam ea per te commissa essent, et tradita, non obliuisci, sed meminisse deberent semper, non dissimiles unquam pietate fore, et iustitia stateris. Non mysterium fecit unquam Dominus ullum, quin pastorem fidei tantæ, et tantum secum semper esse uoluerit: siue in Archisynagogi domo, et mortua eius suscitanda filia: siue cum se inter Moysen, et Eljam ostendit, et apparuit ut

sol in monte sancto : siue cum ex eo guttæ cadunt in terram , ut sanguis in horto : siue in cena , siue ubiuis : et in tanti etiam mysterij , et lotionis pedum arcano , cum scriptum sit, Cum uenisset ergo ad Petrum Iesus , et uerbum illud , Ergo , confirmationem significet , aperte declarat et docet Iesus , quod ubi à cena surgit , ubi se linteo præcingit , ubi uenit , ubi lauare incipit , non ab alio prius , quam a principe , et capite Petro incipit : et Petri humilitas pedes licet ob maiestatis obseruantiam et amorem retraxerit , se totum tamen , ne maiestatem perderet , exhibens , non recusandi alijs , ut princeps , et caput exemplo fuit . Nec mirum ob tantæ maiestatis honorem , et obseruantiam retraxisse pedes eum , qui cum de eiusdem ipsius etiam maiestatis antea passione , et crucis morte audisset , tantus in eam eius esset amor , et pietas , ut eandem retrahere maiestatem usque adeo cepisset , et obsecrare , ne permitteret in se talia , et tanta pati , ut Redemptor ipse noster Iesus , qui perduto mundo succurrens , decreuisset omnino mori , commoneret eum uehementius , et reprimeret sic dicens , Vade : nescis quæ sint Dei . Non patitur , non permittit , nulla ferre causâ , nullo consentire pacto , nulla ratione potest tanta fides , et amor , et pietas , Dominum suum , ne supra quidem mare , et periculo tanto et discrimine , sine se esse solum : per undas ad eum supra mare solus , et discrimine tanto mirabiliter accurrit : sed manum fidei tantæ porrigens Iesus mirabilius opem affert , et succurrit : pergit per undas , et supra  
mare

mare tanta Petri fides, et amor, ut Dei maiestas, et potentia cognoscatur, et adoretur. Fluctuari Petrus incipit, et mergi, ne quisquam similem se Deo iactari præsumere audeat, aut par unquam esse posse videatur. Sed qua fide se per undas ire posse fides tanta credidit, et non mergi, eadem etiam cum mergi incipit, credidit et se posse saluari. Fluctuat Petrus, mergitur, deficit, periclitatur, significans quod non nisi per pericula, et tentationum naufragia, properatur ad Christum: a quibus, nisi clamemus ad eum, et manum opem ferens porrigat, tuti, et salui esse non possumus. Diuelli tantus amor ab amore non potest, ne tum quidem cum dicit, Sinite hos abire: quin pro eo stricto etiam gladio pugnet, et illatis uulneribus nisi esset ab eo repressus, admortem etiam usque depugnasset: et gladius manu apostolica eductus, sancti Spiritus gratiam trahens, uniuersos etiam ad unum dissipasset. Non se continere, non reprimere tanta potest pietas, et amor, quin inter etiam arma, et cohortes, et inimicos, in prætorium quoquomodo possit, irrumpat, Dominum suum periculo neglecto mortis, et morte, sequens. Permissus inter dolores tot tamen, et tanta, et usque adeo uniuersa contraria, et aduersa, non semel tantum est, sed ter etiam negare, non ut caderet, sed ut cui dominandum esset uniuersis, dominari disceret magis, et magis etiam misereri. Radium et flammiam sui amoris ille, cuius semper oculi super iustos, immittens, eum aspexit: et in se ille reuersus, amarissime fleuit.

Fleuit Petri humilitas, et tacuit, et pudore tacendo non se excusauit, sed magis etiam et magis accusauit: non enim excusatur, quod lachrymatur, sed quanto pos sit magis, et plenius accusatur. Accusat enim lachryma cum tacet, accusat inquam totum, quod pudor est uoce confiteri: et quod nullo defendi modo loquendo pos sit, lachryma uel tacens uniuersum profert, et diluit. Non erubescunt lachrymæ postulando, sed impetrant tacendo: tacite sunt lachrymæ preces, uerecundię ser uiunt, et salutis. Veniam uoce petere pudore non audēt, sed dolore merentur: causam non proferunt, sed mi sericordiam consequuntur: sunt lachrymę precibus uti liores. Fallit enim sæpe uox cum petit, non fletus deci pit unquam, et lachryma si tacuit. Non totum sæpe pro fert lingua quod cupit: totum lachryma semper aperit, et uniuersū profert quod uult, et ostendit. Ante lachry mas se regere fides tanta non potuit: post lachrymas re gēdos alios accepit. Ante lachrymas Petrus nihil, Am brosius inquit, habet, post lachrymas assumptus est. La chrymatur etiam, et tacet, ne si tam cito ueniam petere pręsumeret, id quod maius omnium esset, et grauius, et tanto sibi dolori, ut nullo posset dolori comparari, le uius forsan, et nullius momenti existimari posse uide retur. Ei Dominus a morte resurgens, prius alijs om nibus, et ante omnes, ut principi sese ostendit, et ap paruit: sed apparendi modus, et ordo, ut in alijs non scribitur: scriptum satis est, cum scriptum sit, quod Si moni apparuit: et quod, inquit Paulus, apparuit Cephę, deinde

deinde undecim. Et dicens Angelus, Dicite discipulis eius, et Petro, et dictio ipsa, Et, separationem significet, non Angelus dicit, ut dicant cum alijs Petro, sed nominatim, et seorsum ab alijs, tanquam principi, et capiti: nec tantum ut dicant quod surrexerit, sed quod anteiret etiam, et præcederet eos in Galilæam. Et cum in litore se iterum eis etiam ostendit, et apparuit, uirgo licet uirginem cæteris altius, et prius agnouerit, dicens Petro, Dominus est, ut per undas antea tamen ad eum Petrus, et per mare solus accurrisset: sic e nauigio solus exiliens per mare solus ante omnes ad litus, et ad Iesum prior ut princeps, et caput accessit. Et ipsemet etiam cum Ioanne antea currens ad sepulchrum, iunior licet, anteuenerit; Petrus tamen prius ut ardentior, et caput, et princeps introiuit. Apparebat Iesus ante mortem discipulis in mari, significans quantis in hoc seculo fluctibus affligeretur, et procellis. A mortuis cum resurgeret, stat in litore securus, et quietus ab illis, quibus antea iactabatur: significans, et nos, post labores nostros, ab inferis resurgendo, pariter quieturos. Post gloriosissimum eius in cœlos ascensum, cum discipuli pariter essent ab Oliueti monte reuersi, perseverantes unanimiter in oratione semper, et obsecratione cum Maria matre Iesu, in medio surgens eorum Petrus, cum centum fere essent, et uiginti; inter alia salutis, et gloriæ documenta, Matthiam in locum proditoris, rationem afferens, et prophetias exponens, in sanctissimum

Aposto-

Apostolorum collegium interueniente Spiritu sancto cooptauit, et instituit. Tria hominum millia predicatione statim, et miraculis acquisiuit. Hominum decem millium numerum quam ocysime superioribus mirabiliter adiunxit. In templum cum Ioanne ingrediens claudum ad eleemosynam tandiu in porta iacentem manu subleuans, Argentum, inquit, et aurum non est mihi, quod autem habeo hoc tibi do: in nomine Iesu Christi Nazareni surge, et ambula: et incolumis ille subito surgens, et exiliens, in templum cum eis Deum laudans ingreditur: uniuerso concorrente, et in qua hæc potestate faceretur stupente, et sciscitante populo, Quid, Petrus inquit, admiramini? quid nos intuemini, quasi nostra hoc uirtute fecerimus? Deus Abraham, et Deus Isaac, et Deus Iacob, et Deus patrum uestrorum suscitauit filium suum, quem negastis ante faciem Pilati, illo iudicante dimitti: sanctum, et iustum negastis, et petistis homicidam: authorem uitæ interfecistis. Deus eum suscitauit ab inferis: et fides eius dedit huic integram hanc istam ipsam quam uidetis, et admiramini sanitatem. Pœnitementi igitur, et pœnitentes baptizemini, ut delicta uestra deleantur, et crimina. Et magis in dies Ecclesiam augens, si minis urgeretur, non timebat: si cederetur, in uerberibus magis etiã lætabatur, et gaudebat. Hunc timebant infideles, hunc uerebantur, hunc tremebant, huic insidiabantur: hunc de mundo tollere parabant: hunc si interficere possent, nihil esse negotij reliquos superare sperabant. Ille enim uehe-

mens,



mens, ille fortis, ille contrarius: constantes ille uoces, in concilijs, in iudicijs, in synagogis resonabat: in aduersarios decertans miraculis insignibus eos, et uirtute superabat. Ab Herode tandem per insidiatores et insidias in carcerem, et cathenam crudelissime missus, quatuor custoditus custodijs, ut si unam forte clam fugere conatus euitasset, in alias tamen incidens, nulla posset ratione saluari, ab Angelo mirabiliter eripitur. Quos per Angelum fidelibus et Ecclesiæ restituto, in uias et plateas paralytici portabantur, et languentes; ut transeunte eo ipso Petro, uel umbra eius a quacunque curarentur infirmitate, et languoribus. Tantus enim Petrus miraculis erat, et tam prædicandi altitudine potens et tremendus, ut eius umbra sanaret infirmos: uerbo suscitaret mortuos: aspectu, et terrore morti adijceret ualentes, et uiuos. Ananias cum uxore Saphira mentientes de pretio agri, cadunt ante pedes eius utriusque mortui. Mortua Dorcade pauperum amantissima, uno eius tantum uerbo suscitatur ualens, et uiua. Aeneam paralyticum octo sine spe annos in lecto languentem, omnium concursu, et gratulatione saluum dimittit, et incolumem. Cornelium Centurionem gentilem conuertens, et eius familiam totam uno tempore baptizans, et instituens, fidelibus et Ecclesiæ coniungit. Linteum quadrupedum, et aliorum animalium plenissimum de cælo in excessu mentis demitti ter uidens, et uocem sibi dicentem audiens, Occide et manduca: intellexit, et intellecta docuit, illa non amplius esse prohibita, sed

(ut illa



(ut illa etiam piscium sagena figurabat) omnes gentes ad fidem esse suscipiendas. Et quanta eos pietate susciperet, et misericordia, et quam cuperet, ut alij etiam quibus cura data esset, susciperent, conciones cum faceret, prædicabat, et prædicans docebat, cur Deum tentarent, ut onera super aliorum ceruices imponerent, quæ neque nos, inquit, neque patres nostri portare potuimus? Tanti regiminis, et pietatis post prætorij fletus semper, et lachrymas fuit. Tertio suæ uocationis anno Paulus ad eum ipsum Petrum uenit, non ad discendum, cum præceptorem de cælo Christum habuisset, sed ad parendum, et, ut ipsemet inquit, per reuelationem, ut cum eo conferret euangelium, ne in uanum curreret, aut cucurrisset, cum non duo nec plura, sed unum tantum Deus uoluerit esse caput in Ecclesia. Tanto uero, et tam uno iij fuerunt utrique desiderio semper, et amore deuincti, ut nulla unquam posset inter eos esse diuersitas, nulla contentio, nulla oriri discordia, nullum interuenire dissidium, sed unus utriusque semper animus, una mens, unum cor, idem uelle, idem nolle, idem scire, idem amor, eadem fides, duo unus, eundem uterque respiciens finem: quæ unitas, et amor, non aliter atque sol in cælis luceret semper, et in terris. Quod alter autem alteri restiterit, dummodo cõcordis animi fuerint semper, ut fuerunt, non de eorum est concordia, et amore unquam dubitandum. Reprehensio enim Pauli fuit, quod Petrus carissimus frater eius uersando cum gentibus, et iudaizaret,

daizaret, ne scandalo id esset gentilibus. Petrus non id tam pro Iudæorum, quam etiam et gentilium salute, et gloria faciebat: Paulus eum pro utrorumque salute, et gloria reprehendebat. Petrus se gentibus subtrahebat, ne scandalo esset Iudæis: Paulus uerebatur, ne id scandalo esset gentilibus. Quod timore charitatis Petrus, ne pietati deesset, faciebat: fidei zelo Paulus ab eo retrahebat. Petrus per humanitatem, et pietatem, omnia sibi licere facere, quæ alij facerent, ut lucraretur, et conuerteret omnes, existimabat: Paulus præ magnitudine forsan, et altitudine dignitatis, et potestatis, quam adeo semper in Petro admirâs uenerabatur, quæ alijs minoris gradus facere liceret, non omnia Petro per dignitatem licere iudicabat. Vterque autem siue per fidem, siue per charitatem, unam Dei, et eandem augere ecclesiam nitebatur: eandem uterque salutem animarum, eundem uterque Dei honorem quærebat: eandem uterque operam, eadem fide, eodem animi ardore, eodem fine (licet alius alio modo) operabatur. Vt alij etiam discipuli Domini inter se quandoque ita dissenserunt, ut alter in unam, alius in aliam partem discederet: utriusque tamen idem semper amor, eadem pietas, eadem fides, ipsamet intentio. Certum est etiam quod peccare non potest intentus in Deum semper Angelus: et Angelus quandoque tamen, ut Prophetæ testantur, Angelo resistit. Tantus enim erat Petrus, et tam, ut diximus, miraculis potens, ut non ipse modo, sed ea etiam quæ

C personam

personam suam tetigissent, mirabilia operarentur, et facerent. Non prætereundum est, quod cum Theodosia Theodosij Imperatoris uxor, catenam illam, qua Hierosolymis Petrus esset ab Herode detentus, Romam detulisset ad Pontificem, qui summa aliam pietate custodiret, qua Romæ fuisset a Nerone deuinctus, mirabili quodam modo inter se se connexerunt. Non enim altera prius in conspectu alterius fuit, quam se se, uelut inter se agnoscerent, rapientes, sic pariter inuicem complexæ constringentes, fibula sic fibulæ, catena sic catenæ, altera sic alteræ uehementer aperiens, et usque adeo connexa uelociter, et reuincta constringens, ut non diuelli modo altera ab altera non posset, sed nullo remanente uestigio uel signo, ad exemplum, et imitationem uinculi, et perpetui amoris domini sui Petri et Pauli, ex duabus una facta sit. Et inde tantis ideo catenæ ipsæ miraculis in ecclesia Diui Petri ad uincula Romæ conseruatur, et concursu tanto, et religione uenerantur. Paulus imperandi potestatem Petri tantâ admiratus est semper et adorauit, et ad eum uenit, et paruit: nec Petrus honori Pauli unquam defuit. Cum Petrus uero ad regendi et imperandi laborē a Christo operante, et Paulus a Christo triumphante ad prædicandum uocatus fuerit; et laboriosam uitam Petrus, Paulus uero triumphantem, et beatam significet; et beata uita, et triumphans uitæ actiua anteponatur et laboris: Petrus, qui a dextris imperat semper et a sinistris; tanto Pauli, ut diximus, hono-  
ri,

ri, nunquam defuit, quin ei a dextris etiam ubique ubi  
oporteret, locum daret. Et reliquis omiſſis, per aliud  
etiam myſterium ponitur ad dexteram Paulus: cum gen-  
tilem ſcilicet populum repræſentet, quem ſuo præcipuo  
labore, et prædicatione acquiſiuit: et nos, qui gentilis  
idem populus ſumus, ad dexteram, et locum primum,  
quem tenere ſolerent Hebræi, illis expulſis, collocauit  
et poſuit. Nec id uero poteſtatem Petri minuit, ſed ac-  
creſcit magis et auget: cum Petrus eidem populo a de-  
xtris imperet, et a ſiniſtris. Quod item et ipſa myſterio-  
rū magiſtra ſanctiſſima docet mater Eccleſia: cum Spiri-  
tu ſancto ducta, Paulum ponit ad dexterū cornu altaris  
inter celebrantem, et euangelium, ad primas incenſa-  
tiones, et ubiq; alibi ad dexterā ubi oportet. Nec men-  
tionem unquā unius facit, quin faciat etiam alterius: ut  
quos cœlo dignos Paulus prædicando efficiat: ad quie-  
tem ijs et gloriam, Petrus cœlum aperiāt. Apud rudes  
tamen et imperitos, quos myſteria latent, recte poni-  
tur ad dexteram Petrus, ne alterum pro altero accipe-  
rent eſſe caput. Cum ergo Petrus, et Eccleſia, Paulū ad  
dexteram ponunt; nec ſuum imperium Petrus, nec Ec-  
cleſia domini ſui Petri poteſtatem minuit: ſed gentile  
populum, quē Paulus acquiſiuit, et cui Petrus ipſe do-  
minus ſuus imperat, oſtendit: Sed de his in alio opere  
ſeparatim diximus ſatis: et Mucantiſ caremoniarum  
magiſter, uir doctiſſimus, poſt etiam plurima ſcripſit. Se-  
ptem Petrus Antiochię præfuit annos: ſed tantularū,  
et tam leuium rerum occupatione, uniuerſum ſibi com-

mendatū et traditum, uirtus, et mens tanta non deserit orbem. Asiam interim totam, Bithyniam, Pontum, Pamphyliam, reliquas omnes totius orientis ciuitates et loca perlustrans, legibus, institutis, pace, religione instituebat: dies et noctes ad fidem uniuersos illuminare totius animi ardore insistebat. Prædicabat Iudæis Paulus, et gentibus: gentibus Petrus et Iudæis. Ad miracula Petri trementes Iudæi mouebantur: Gentiles qui miracula non admodum sequerentur, altissima Pauli sapientia, et prædicationis ardore conuertebantur. Petrus omnium salutem operans et quærens, unicam filiam, non eo ad Apostolatū uocato, sed ante susceptam cum haberet eximiæ pulchritudinis; pulchritudinem ægritudine continuit sic semper, et contemperans repressit, ut sanctior illa, et purior, sanctiorem Deo uirginitatem, et puriorem custodiens, et sua in cælum, et felicissimi patris sui felicitate felicissima conuolarit. Scribens etiam Petrus carissimum fratrem suum Paulum quædam scripsisse difficilia secundum scientiam sibi datam, quæ instabiles, et indocti detorqueant, sicut et cæteras scripturas ad suam ipsorum perditionem; non solum ad honorem hoc scribit carissimi fratris sui Pauli, cum ea testetur esse a Deo, sed ut manifestū etiam, et testatum relinquat, non posse scripturam, nisi per eundem ipsum Spiritum sanctum, a quo facta sit, intelligi: nec ad eius difficilia, nisi ad Ecclesiam firmamentum, et columnam fidei, humiliter, et demisse confugiendum. Petri sine literis humilitas

militas diuinitatem agnouit; et salutare, et diuinas facit, et mittit epistolas. Humilitas Virginis Altissimi fit mater; et tam diuinum componit, et facit altissimum canticum illud ipsum, quod uniuersum replet, et tam gloriose resonat orbem. Pauli humilitas dignum se non putans Apostolum, flamma sui oris eloquij totum inflamat, et illuminat mundum. Petri humilitas Antiochiam totam erudiuit sic, et sic instituit, ut discipuli Domini cœpti ibi primum dici sint christiani. Romam, ubi diutius mansit, et prædicauit, sedem ubi diutius habuit, diutius præfuit, adeo fidelem, et Deo caram reddidit, ut scribens Paulus etiam ad eos, letetur, et gaudeat, quod fides eorum annuntiaretur in uniuerso mundo: nec solum id Paulus scribit, sed et Romam ad Petri fidem adorandam totus etiam concurrat, et conueniat orbis. Cum Petrus itaque uniuersum orientem, et Asiam perlustraret; Ecclesiam continuato labore, fide, et gratia, et numero augere non desisteret; Ancyre ciuitatis Gallaciæ mortuum suscitauisset; urbem totam sanctissimi baptismi gratia illuminans et baptizans, et mente totus, et animo ad uniuersa conuersus insisteret: ei Dominus apparens, ad prædicandum Romæ iubet eum proficisci: et sicut dictum de Paulo fuisset, Ostendam ei quanta oporteat eum pro nomine meo facere, et pati; sic et Petrus nihil sibi nisi laboribus, et morte præposita, Romam lætus iter arripiens, inter alios doctissimum etiam uirum secum ducit, et sanctissimum, Apollinarem, quem post etiam Rauennæ præ-

præfecit, quo in munere ita se gessit, et probauit, ut sanctitati, laboribus, religioni, et miraculis gloriosissimi Martyrij coronam adiunxerit. Romam igitur Petrus secundo Claudij Imperatoris anno profectus, nihil sibi faciendum prius existimauit, quam Simonis magni dolos, et magica præstigia, manifesta ueritate prosterneret. Et licet sæpe secum alias etiam congressus, et a se uictus ille semper, et superatus, a populo ne occideretur impetrasset. Cum eò tamen, urgente Sathana, peruenisset, ut sicut supra se præliaretur Lucifer et contenderet in cœlis, sic extra se ille conaretur, et pugnaret in terris esse Deos; ut Angelus Angelum uniuerso spectante cœlo, de cœlo prosternebat: sic Simon Simonem e Luciferi, et Sathanæ manibus coram omnibus in terras elisit. Quo deuicto, et represso; cum tantus ille esset, ut populum fere uniuersum magicis præstigijs obcæcasset, magnum paucis diebus fidelium numerum Petrus acquisiuit: magnam populi partem a magicis insidijs perspecta ueritate alienauit: magnam ab idolorum sacrificijs multitudinem reuocauit: et quotidie cum maiorem miraculis, et prædicatione reuocaret; ad partes Orientis, et Asiæ, perurgente necessitate, necesse fuit ut recurreret: ijsque rebus quarum causa uenerat, ut erat celeritate, et regimine præstans, subito compositis, Romam subito reuertitur: cui gratulatio tanta facta est, et tanta orta spes, et illata ubique fidelibus, ut fidelium numerus ita quotidie magis ubique augeretur, et cresceret, ut non sufficeret unus; Linum  
et



et Cletum, et alios, qui ad laborē secum essent, elegit et instituit. Et animū inducere quis possit uel audeat, nunquam Romę fuisse eū, qui Romam ex idololatria fidelē fecerit, magicos inde proiecerit, fidem in eam, et religionem portauerit? ubi tandiu prędicauerit, tandiu fuerit, tot ubi gesserit, miracula ubi tanta fecerit, corpus ubi sit eius, ubi occisus, ubi sepultus, ubi ueneretur, quō totus ad eum uenerit semper et ueniat mundus? Aliorum fit solemnitas, et festus sanctorum translationis dies, cum de loco transferuntur in alium: translationis Petri ubi locus? ubi dies? unde translatus? sicut est eiusdem sedis, et Cathedrę solemnitas, et translationis dies? Et Diui etiam Bartholomęi cum fiat ubique solemnitas, et festus dies die mortis; Romę tamen altero die fit, qui dies est translationis, cum eodem scilicet die Romam translatus fuerit. Quod cum de Cathedra fiat, et Apostolo, quanto magis fieret, et solemnius, si translatus esset Apostolorum caput, et princeps? Non fuerit ergo ille ibi, ubi sit mortuus, ubi crucifixus, ubi sepultus? An non et Tertullianus, tam antiquus et uerus historiarum scriptor, qui de eius mansione Romę tam clare scribit: et alij etiam certissimi, et plurimi historiarū authores, cum de Petro pariter, et eius mansione Romę scribunt, non scribunt fidei faciendę causa de re tam certa, ut testem uniuersum semper habuerit orbem, tot imperatores; et quod omnium maius est, et sole clarius, Ecclesiam: sed scribunt, quod non modo annalium, et historiarum ueritas, et ordo sic postularet, ut aliter fieri  
non



non posset; sed ut per pastorem etiam, et principem talem, et tantum, suæ ualidiores essent, et nobiliores hitorix. Quid? quod scribit etiam ad Timotheum Paulus, ut Romam ueniat, et Marcum secum ducat, quia opera eius utilis esset in ministerio. Qui cum scriptor esset euangelij Petri, non ne oportebat ut Rome esset, ubi Petrus dominus eius? Cur non scribit etiam (dicat forsân aliquis) Petrum etiam fuisse Romæ? Superuacaneum id quidem, et sine causâ scriptum fuisset, cum non modo Timotheus, sed orbis sciret uniuersus Petrum esse Romæ, et Romam fere iam uenirent omnes ad eum. Quinque Petrus annos, et uiginti Romæ præfuit, sedem Romæ quinque, & uiginti annos habuit: sed quæ, et qualia interim, et quam diuersa itinera fecit, loca quæ, et labore quanto peragrauit? Ad obitum sanctissimæ Virginis conuolans mirabiliter cum alijs interfuit: totam diuersis temporibus Asiam, Africam, Hispaniam, Angliam, Galliam, Italiam circumiens, quasunque ciuitates adibat: ecclesias fabricabat: infirmitates, et languores curabat: Episcopos præficiebat: presbyteros ordinans, cuncta quæ ecclesiæ usui essent, disponebat: ubique admirabilis, ubique tremendus, coruscans ubique miraculis, ad eum undique concursus, ubique cum eo Deus. Romam doctrina, uerbo, sapientia, moribus, institutis, clariorem in dies efficere non desisteat, dies et noctes uigilabat: Lini opera, et Cleti, et Marcelli, et aliorum semper utens, Marcum Alexandriæ

xandriæ præfecit: Rauennæ, qui secum Romam uenerat, ut diximus, Apollinarem: Philippis Olympum: Nicomediæ Procorum: Martianum Siraculis: Euodum Antiochiæ: Cornelium Helleponti: Thessalonicæ Iasonem: Terraciæ Epaphroditum. Non est necesse narrare singula, cum idem faceret in singulis. Neronis uero impietas, et suo nomine crudelis, et multo perurgente Sathana magis, miris odisse modis et insequi Petrum cepit, et ecclesiam, inflammantibus eum in dies etiam magis infidelibus, cum alijs de causis, tum ob eos, qui aliter ac ipse uiueret, uiuere cepissent; et relictis idolis, et idolorum sacrificijs, Christi fidem, et Ecclesiæ sequerentur. Non deerat pastor sanctissimus, quin dies daret operam, et noctes, ut quibuscunque modis omnibus posset, et rebus, saluti Neronis non deesset, et furori tanto, et crudelitati mederetur, et succurreret, et fidei minus, et Ecclesiæ noceretur. Et pro Christi, et Ecclesiæ gloria mori cupidissimus et occidi, nec furori cederet, nec minis, ut in dies magis Ecclesiam augeret: cum fideles tamen cum tantopere deprecarentur, sic et orarent, ut nulla deprecatio esse posset ardentior, ut tam necessario tempore, furori tanto, dum daret, seque suis et Ecclesiæ, ad populum pro Christi etiam gloria, et honore instituendum reseruaret, quamquam nullius terroris, nullius formidinis, aut mortis posset causa uel ratione deterreri, tantorum tamen lachrymis, et Ecclesiæ deprecationibus compatiens, coactus

D et ægre,

et ægre, et inuitus exire porta cū cepisset, ei Dominus, authore etiam Ambrosio, obuiam fuit, dicens se Romam iterum ire crucifigi. Cepit in Abel iusto pati Christus, et patietur in omnibus iustis oppressis, et occisis, ad consummationem usque sæculi: cum sit Christus iustorum omnium caput, et iusti omnes mysticum corpus eius. Cum incurritur Saulo terror, et minatur, Quid me persequeris? lapidabatur tum in Stephano, et pariebatur Christus. Sic et nunc in Petro Christus a Nerone erat Romæ crucifigendus. Intellexit tantus pastor ille sanctissimus, sibi esse Romam redeundum, sibi Romæ moriendum: sed pro Christi occidi gloria, et mori, sibi gloria, sibi honor, sibi decus, sibi uita, sibi uniuersa. Vt Roma coactus a fidelibus, et præterquam ipse uellet, et inuitus exierat: sic pro Christi, et Ecclesiæ gloria, Romam cupidissime redire festinans, operari incipit: et diu laborans, nec labore defessus, nec terrore deterritus, cum fidelium numerum, et Ecclesiam maiorem in dies efficere non desisteret: per insidias a Nerone comprehensus, in carcerem mittitur: et mortis eodem sibi quo etiam Paulo dicto die, ambo e carceribus extrahuntur ad mortem: qui obuiam inuicem congressi, suum uterque fratrem diu complexus, et inuicem gratulantes, quod sicut uno ipso animo, uno amore, una fide, et labore, unum uterque finem sequens, pro Christo, et Christi Ecclesia ad mortem usque felicissime laborantes decertassent: ita unq̄ tēpore, uno die,

una

una hora, uno desiderio ad uitam, et laborum premia  
et felicitatem uocarentur, et contenderent: amore  
tanto complexi, ut alter ab altero diuelli, praesens a  
praesente eripi, ab oculis oculi fletu non possent, et  
pietate distrahi. Sicut Christus conseruans Ecclesiam,  
et imperans, Sinite hos abire, crucifixoribus obuiam  
processit, et cruci: sic passis uterque manibus in coe-  
lum, corde, mente, et spiritu uehementius orans,  
nec semel tantum, sed sexcenties milies pro Christi, et  
Ecclesiae gloria occidi cupiens; et mori, interfecto-  
ribus occurrit, et morti. Nunquam destitit pastor  
tantus a labore, nunquam ab imperando, nunquam a  
docendo. Viuens a labore non destitit, moriens la-  
bores crucis in cruce sustinuit. Imperium uiuens non  
dimisit: et moriens crucem ut uerterent ut dominus,  
(et uerterunt) imperauit: et loqui cum non amplius  
etiam posset, ita mori tamen uoluit, ut non a docendo  
modo non desisteret, sed ita et mori, ut post etiam  
mortem in coelum pedibus iter etiam ostenderet, ut post  
obitum suum haberet fideles recordari, unde possent;  
sicut etiam ipsemet scribit, talem et tantum se meruisse,  
et habere potuisse praecceptorem. Nero autem  
eodem ipsomet anno quo eos interfecisset, ex urbe ob  
tyrannidem expulsus, per agros extra moenia tanquam  
noctua delitescens, cum quendam inuenisset, et de-  
speratione ab eo rogaret interfici, ille uero recusans  
eum interficere nolle, cruenta illa ipsa desperata cru-  
delitas interfici desperatione cupiens, et querens, quod

neque amicum, neque inimicum haberet, ut proditor qui Christum Iesum tradidit, laqueo se suspendit: ita ut qui Petrum interfecisset et Paulum, suo se gladio iugulauit. Sanctissima uero Petri et Pauli corpora in ecclesia diui Sebastiani, una ex septem ecclesijs, diu quieuerunt. Sanctissima nunc uero capita in sanctissima diui Ioannis Laterani ecclesia in Lateranensium et Constantinensi ædibus et palatio, ab eo ipso magno Constantino imperatore, et Siluestro Pontifice sanctissimo edificata, et desuper altare maiori, pulcherrimis quatuor columnis, et totidem cratibus ferreis editissimo, nec minus pulcherrimo aspectu, quam sanctissimo loco ita posita ipsa diuorum Petri et Pauli capita, ut alio loco diximus, posita, ut non solum ipsa suum quem amant populū conspicerent, sed in eum, et pro eo inuigilare, et suis ea populus adorare possit, et uenerari, concursu omnium tanto, et honore uenerantur, ut cum statis diebus populo ostenduntur, tanta populi multitudo, conueniat et aliunde, ut nullum ædificium capere multitudinem tantam posset, cum amplissima ecclesia repleta sit, necessitas cogat ut primi locum dent cæteris, et in dies apius ostendantur. Corpora uero in sacrosancta, et sanctissima totius orbis terrarum diui Petri ad uiam in Vaticano triumphalem ab eodem Constantino, et Siluestro ædificata ecclesia, tanto omnium plausu, concursu, gratulatione, et honore sub maiori altare uenerantur et adorantur; ut qui ad sanctissima Petri limina non uenerit, fidelis esse non uideatur. In Vaticano celeberrimo

primo totius inquam orbis terrarum, et frequentissimo loco adorantur: ut ubi tot, et tanta olim trophea, et triumphi disponebantur ad portam Romæ, ad ingrediendā toto spectante populo Romam, in præmium breuissimi temporis, et honoris: nunc in eodem ipso Vaticani triumphorum loco, et ipsa ecclesia, tot et tanta quotidie mylteria celebrentur, et fiant: nec ad breuissimi, ut olim temporis momentum, ad Romam ingrediendam, sed tanquam ad ianuam, et portam cœli ad cœlum toto spectante cœlo introeundum, in præmium non exigui, sed perpetui honoris, et sempiternæ felicitatis: tantæ inquam, et perpetuæ felicitatis, et honoris, ut prætereundum non sit, quod nullius imperatorum, ne Augusti quidem, qui tandiu regnavit, et tandiu in pace uixit, nisi primi imperatoris cineres inueniantur: nec alia de causa credendum quod sic possint inueniri, nisi quod positæ fuerint prope locum eum, ubi ædificanda tam sancta esset, et ianua cœli ecclesia, et ponendum tam sacrosanctum Petri corpus: Petri, inquam, primi principis et imperatoris omnium fidelium: ut primus princeps et imperator omnium infidelium, semper assistere uideretur primo principi, imperatori, et capiti omnium fidelium, et quodāmodo uenerari semper, et ei adesse cogeretur. Ut latere neminem, sed notū cuique semper et manifestum esse posset, quo differrent honore, et quantum interesset inter eum qui omnia conatus fuerit semper et fecerit, ut supremus omnium esset, et altissimus; et  
eum

cum qui tam semper humilis, et demissus precaretur, et oraret, Exi a me Domine, quia homo peccator sum: et qualia et quam æterni mysterij æterna Christi uerba sint illa dicentis, Omnis qui se exaltat, humiliabitur: et qui se humiliat, exaltabitur. Ille enim ex altissimo et supremo throno, et dominatu, et loco, in infimo est, et humili redactus et positus: hic in sublimem, et supremum, et altissimum ueneratur exaltatus, et adoratur. Ille non solum ei assis-tens eum uenerari, sed et diuina prouidentia, si non uerbo, re ipsa tamen fateri quodammodo, et dicere cogatur, quàm non modo fideles omnes, sed uniuersi etiam infideles teneantur, et debeant uenerari unam et adorare sanctissimam semper et catholicam Dei Ecclesiã: nec eam tantum, sed in primis uerum dominum, et imperatorem eius illum talem et tantum, cui nec sibi-met Cæsari, nec alij contigerit unquam, ut suum ei dominus nomen imposuerit, dicens, Tu uocaberis Cephas. De quo uel ipse idemmet Cæsar coactus non possit non cõfiteri, quod nec sibi, nec alij unquam dictum sit, Tu es, nisi Petro pastori, et imperatori illi tanto et tam magno, Tu es Petrus: et super hanc petram ædificabo Ecclesiam meam: et portæ inferi non præualebunt aduersus eam: et tibi dabo clauēs regni cælorum: et quodcunque ligaueris super terram, erit ligatū et in cælis: et quodcunque solueris super terram, erit solutum et in cælis. Et cui uni (quod sibi Domino tam cordi esset) omnia in æternum commendans, Pasce, inquit, oues meas.

Coactus



Coactus pariter sit et fateri et dicere, quod nec sibi nec alij dixerit unquā Dominus, Sequere me. Seorsum, inquam, ab alijs, uniuersam iterū et æternam sibi relinquens potestatem. Coactus etiam ut sæpius dicam, fateri et dicere, quod nisi uni Petro præceperit, de statere in ore piscis inueniendo, Vade, et sume, et da eis pro me, et te. Quibus uerbis docuit, quod omnium mysteriorum et ministeriorum potestatem ut in se ipso erant, ita in eum transferret, et transmitteret: et eum post se, tanquam alterum se, relinqueret: et quibus ab ipso commissæ ea essent et tradita, nunquam dissimiles fore, sed similes esse debere semper, pietate, et iustitia stateris. Cui denique, ne longior sim, dixit dominus et redemptor noster, Oraui pro te Petre: seorsum scilicet ab alijs, ut orbem tibi seorsum ab alijs commissum, et omnes in orbe tibi in æternum commissos, regere, moderari, et confirmare possis. Et cum numerare discipulos uel ab initio inciperet; non ab Andrea seniore, nec ab alijs, sed a Petro incipiens, Petro uel ab initio primatum in æternum attribuit. Eo ipso qui attribuit præstante et regnante domino nostro Iesu Christo, qui cum Patre, et Spiritu sancto uiuit et regnat omnipotens in æterna sæcula seculorum. Amen.

De consensu et licentia Superiorum.



850.8

STATVA  
DIVI PAVLI  
A DEXTRIS DIVI  
PRINCIPIS ECCLESIAE

PETRI NON REMOVENDA:

NEC EORVM SANCTISSIMA  
capita conuertenda: sed eodem loco,  
quo statuit Ecclesia, conscrvanda.



Serpentum aeneus olim;  
animorum nunc vulnere curo.

STAVIA  
IV  
A DEATH IS DEATH  
HIMSELF

THE  
OF THE  
OF THE  
OF THE



THE  
OF THE

BEATISS. D. N.  
GREGORIO. XIII

PONT. SANCTISS.

M. ANTONIVS GEORGIVS

Bononiensis, Archipresbyter S. Mariæ

Rotundæ, et Cuius Assisij

S. D.



REQUISITVS ab amicis, Beatissime  
Pater, bonus ne, an malus esset vsus;  
æquum, an præterquam deceret, aut  
iniquum; quòd ad Sanctissimi Prin-  
cipis Ecclesiæ dexteram, cum eius  
minui videretur auctoritas, ponere-

tur electionis Apostolus: dixi, non modo id non  
esse malum, vel secus ac deceret, aut iniquum; sed  
non nisi mirabiliter et sanctissimi consilij et mysterij  
causa et ratione ab Ecclesia institutum: nec eius pos-  
se potestatem minui, dictû cui fuisset ab eo qui est, Tu  
es Petrus, et super hanc petram ædificabo Ecclesiam  
meam: et cû id nulli, vel si inter omnes omnia que-  
ras, alij nisi Petro dictum; necesse esse, vel si om-  
nium possint potestates, et imperia, nedum minui,  
verum etiam et deleri; nunquam tamen eius, cui ab

eo qui est, et cuius æterna præteriri verba non possint, dictum sit, vt diximus, Tu es: et propterea darentur ei clauēs in signum æternę potestatis. Alteri, qui non vocatus esset ad imperandum, sed ad prædicandum; daretur ensis in signum inflammatę prædicationis: et idcirco in natiuitatis nocte benedicitur Ensis, in signum altissimi illius et æterni nati verbi, quod omni ancipiti gladio penetrabilius, portaturus esset coram regibus, et principibus, et populis. Benedicatur et Pileus in quo inest significas columba, quod Spiritus sanctus ei semper assisteret. Ac tantum dixi etiam abesse, vt tantus Dei seruus, eius potestatem vnquam minuerit, quam fecit et instituit Deus, vt se ad eum etiã qui caput, et eos qui columnę essent, et per reuelationem, mitis contulerit, et humilis; non quod ei opus esset, vt disceret, qui talia didicisset in cælis et tanta, vt ne loqui ea quidem etiam liceret, sed ne à capite auulsus, et ab Ecclesia (cum nisi vnum caput, et vna Ecclesia esse possit) in vanum, vt etiam scribit, curreret, aut cucurrisset. Et iterum, Iacobus, et Cephas, et Ioannes dexterarum dederunt societatis, vt nos in gentes, ipsi in Iudęam, vt Iudęam, quę miraculis inhæreretur, miraculis in quibus tam potens Petrus esset, illuminaret: Gentilium corda, qui sapientiam sequerentur magis, sapientia et gladio verbi Dei scindens Paulus & penetrans, inflammaret. Nec dextera igitur, nec sinistra ad potestatem, quę minui non potest, pertinet minuendam, cum alter et à dextris, et à sinistris vocatus sit

sit ad imperandum, alter et à dextris et à sinistris ad  
 prædicandum. Non ad potestatem hoc, inquam,  
 atinet minuendam, sed ad eius, qui vocauit eum,  
 diuinitatem et gloriam declarandam, quod non à  
 suo sit creatore vocatus, cum mortalis adhuc esset,  
 et in terris, sed vt diuus Thomas etiam scribit, glo-  
 rificatus, et gloriosus in sua maiestate de coelis: post  
 gloriosissimam glorificationem, inquam, et trium-  
 phum tantum illum et gloriam, cum totum coelum  
 obuiam clamaret, Quis est iste, qui venit de Edom  
 tinctis vestibus? Et, Dignus est agnus, qui occisus est,  
 accipere diuinitatem, gloriam, et honorem. Et cū  
 magis illi tamen requirerent, cur non in alijs etiam  
 locis ad dexterā poneretur et ecclesijs; non in alijs,  
 dixi, ad dexteram ponitur locis et ecclesijs; quòd  
 præstet, et conducat intersitque magis, vt inter ru-  
 des et rerum imperitos, claræ proponantur res et  
 apertæ, quàm mysteria tanta quæ possint, sine ta-  
 men etiam ostensione, doceri. Angeli, vt confe-  
 ram exemplum, cum de Dei verbo nato pastoribus  
 annuntiant, quòd rudes sic adhuc essent et imperi-  
 ti, vt nosse uim tam excelsi nominis IESVS, et my-  
 steria non possent, non annuntiant, Natus est vobis  
 Iesus, sed vt intelligere possent, Natus est vobis Sal-  
 uator. Ad Virginem vero, quæ plena Spiritu san-  
 cto, cuncta mysteria noscet, et vim tanti nominis;  
 et gloriam, et arcana contempleretur semper et ado-  
 raret; non necesse habet nuntius vt dicat, Vocabis  
 cum Saluatorem, sed Iesum, cum optime sciret illā  
 sanctissimā.

sanctissime scire, Iesum significare Saluatorem: sic inter rudes, et mysteriorum imperitos, recte ponitur ad dexteram Petrus; ne imperiti et rudes, alterum pro altero putarent esse caput. Ecclesia vero, quæ plena et ipsa Spiritu sancto semper, et vniuersa nouit, et cuncta moderatur, et misericorditer illuminat, et docet; cum Paulum ad dexteram per mysterium ponit, non sui Principis potestatem, quam semper adorat, et nouit, minuit; sed præter id quod dictum est, Gentilem populum, quem per laborem, et prædicationis incendio Paulus acquisiuit, et ab idolorum fraudibus, et dolis, et errore reuocauit; ostendit, quæ Catholica nostra est, ab eo conuersa Ecclesia: quæ primum locum, et dignitatem obtinuit, et ad dexteram cum omnibus fidelibus, deferente creatore synagogam, esse meruit. Quod declaratur etiam in Missa, cum euangelium portatur ad latus altaris dexterum, et in fine reportatur: significans quod in fine quæ ad sinistram relictæ fuissent reliquæ, saluæ fient. Declaratur et idem ab optimo patre illo, qui manus in benedicendis filiis, et brachia contrahens, et mutans in modum crucis, sinistram maiori, qui sibi esset ad dexteram, dexteram minori, quem ad sinistram haberet, imposuit: qui cum vehementius etiam ab ijs, quorum interesset, et putarent errorem, vrgeretur, vt ab errore reuocatus, dexteram maiori imponeret; Scio, ille inquit, quid facio: quod docet etiam mirabiliter, et ostendit mysterium surreptæ benedictionis. Præter autem hæc ipsa

ipsa pauca, quæ commemorauimus, et adduci possent  
 infinita, in plumbeis literarum etiam apostolicarum  
 sigillis, et vetustissimo quidem more, ponitur ad  
 dexteram electionis Apostolus. Nec ea causa tan-  
 tum ad dexteram ponitur, quod sacros homines sa-  
 cra dexteræ mysteria non lateant; sed ob id forsan  
 etiam, ut tanti Apostoli labores, ærumnæ, pericu-  
 la, insidiæ, in tanto acquirendo, et ab idolorum  
 cultu reuocando, cui Petrus imperaret, populo; et  
 tanti acquisiti et reuocati populi in Ecclesiam me-  
 rita, donationes, beneficia tanta et obsequia clarius  
 ostendantur, et magis appareant: nec Ecclesiæ bona  
 ex Hebræo prouenisse populo, sed ex Gentili, quem  
 labore, ut diximus, tanto ab idolis eripiens, et ad Dei  
 veri cultum et religionem illuminans, Deo acquisie-  
 rit, & Petro. Ad dexteram ponitur tantus etiam  
 Dei seruus in præclarissima Lateranensi Diui Ioan-  
 nis ecclesia: ecclesia autem mysteriorum ministra  
 omnium, omnia demonstrans et docens arcana et  
 sanctissima. Sed quod altare spectet ad ecclesiam,  
 non ponuntur sanctissima ipsa super altare capita;  
 ne terga ad celebrantem; et ad celebrantem con-  
 uersa, vertere viderentur ad populum. Non su-  
 per itaque, ut altare contingant; sed supra, et in-  
 teruallo tanto semota consulto et separata, ut nec  
 altare illa, nec ipsa altare conspiciere possint: sed  
 ad suum, quem amant, conuersa populum, in eum,  
 et pro eo inuigilare, et suos ea populus adorare  
 possit et venerari. Si in locis igitur quibusdam,

et



et myſterijs , vt tanta poſtulant et requirunt myſte-  
ria , et arcana , dat dexteram Paulo per myſterium  
Petrus ; non ea quidem detrahenda , ſed glorifican-  
da , non in quæſtionem adducenda , ſed adoranda : et  
ordo ſemper et modus ſanctiſſimæ matris Eccleſiæ  
catholicæ ſeruandus , nec ab ea , ne latum quidem  
vnguem diſcedendum : cùm vna omnium et lumē ſit  
et mater , et magiſtra , et felicitas , et gloria : et , vt  
docet idem etiam Paulus , fidei firmamentum , et  
columna . Columna autem et firmamentum tale ac  
tantum , vt contremiſcendum ſit potius , quàm de  
ijs audere aliter , ac ipſa dicat aut faciat , eloqui .  
Sed ne longior ſim in quibus minime decet : ſi mo-  
leſtus quis , aut contentioſus eſſe cupit , eundem Pau-  
lum legat : et de contentioſo quid dicat , inuenerit :  
et quid omnium moderator , et princeps , ſi veſtra  
Sanctitas acceſſerit . Vale .

Imprimatur .

F. Paulus Conſtabilis Sacri Palatii Magiſter .

R O M Æ ,

Apud Hæredes Antonij Bladij Impreſſores Camerales .

Anno M. D. LXXIII .

250.28-3



